



Broj: 04-27-3341-3 KM  
Sarajevo, 25.04.2012. god.

Ministar saobraćaja Kantona Sarajevo, rješavajući po zahtjevu EURO-ASFALTA d.o.o. iz Sarajeva, za privremenu obustavu saobraćaja u ulici Maršala Tita, radi izvođenja radova na rekonstrukciji tramvajske pruge, na osnovu člana 77. stav 5. Zakona o cestama Federacije Bosne i Hercegovine ("Sl.novine Federacije BiH", broj 12/10) i člana 200. Zakona o upravnom postupku ("Sl.novine Federacije BiH", br. 2/98, 48/99) donosi:

## **R J E Š E N J E**

Odobrava se **EURO-ASFALTU d.o.o.** iz Sarajeva, privremena izmjena režima saobraćaja u ulici Maršala Tita (od raskrsnice sa ul. Alipašina - Hamze Hume do raskrsnice sa ulicom Vrazova), dana 28, 29, 30. Aprila i 01. i 02. Maja 2012. godine u vremenu od 00,00 do 24,00 sati, a radi izvođenja radova na rekonstrukciji tramvajske pruge.

### **Privremena obustava saobraćaja sastoji se od:**

- zabrane saobraćaja za motorna vozila u ulici Maršala Tita (od raskrsnice sa ulicom Alipašina-Hamze Hume do raskrsnice sa ulicom Vrazova), kao i obustave pješačkog saobraćaja na dijelu trotoara na kojem se izvode radovi uz obavezu preusmjerenja istog sigurnim dijelom zaštitnog pojasa kolovoza - sa usmjeravanjem teretnih vozila i autobusa iz ulice Maršala Tita u smjeru ulice Kranjčevića i ulice Alipašina;
- zabrane saobraćaja za motorna vozila u ulici Hamze Hume smjer: ulica Hiseta - ulica Alipašina (od raskrsnice sa ulicom Hiseta do raskrsnice sa ulicom Maršala Tita);
- u ulici Hamze Hume izgraditi privremenu asfaltnu rampu za prelazak vozila preko tramvajske pruge;
- ulicu Hamze Hume smjer: ulica Hiseta - Alipašina od raskrsnice sa privremeno izgrađenom rampom za prelazak vozila preko tramvajske pruge do raskrsnice sa ulicom Maršala Tita pretvoriti u jednosmjerni režim saobraćaja u smjeru: ulica Alipašina - ulica Hiseta;
- zabrane saobraćaja za motorna vozila u ulici Alipašina smjer: ulica Alipašina – Ulica Hamze Hume (od raskrsnice sa ulicom Kranjčevića do raskrsnice sa ulicom Maršala Tita), sa usmjeravanjem vozila u ulicu Kranjčevića;
- ulicu Vrazova (na dijelu od raskrsnice sa ulicom Valtera Perića do raskrsnice sa ulicom Maršala Tita) pretvoriti u jednosmjerni režim saobraćaja u smjeru ulica Valtera Perića - ulica Maršala Tita;
- odobrava se privremeno isključenje semaforских uređaja (režim rada semafora žuti trepćući) na raskrsnici ulice Maršala Tita i ulice Alipašina;
- radi bezbjednog odvijanja saobraćaja – mjesto na kojem se izvode radovi posebno označiti propisanim saobraćajnom opremom (prometni stožci-čunjevi). U noćnim satima postaviti svjetleću trepćuću signalizaciju;
- za vrijeme važnosti ovog rješenja, prijevoznik KJKP "GRAS" će prilagoditi održavanje trolejbuskih (u definisanom terminu trolejbuski saobraćaj preusmjeri na okretnicu Austrijski trg), autobuskih i minibus linija novonastaloj situaciji kao i izvršiti blagovremeno obavještanje putnika o nastaloj promjeni putem sredstava javnog informisanja kao i postavljanja obavjesti na terminalima.



web: <http://ms.ks.gov.ba>

e-mail: [ms@ms.ks.gov.ba](mailto:ms@ms.ks.gov.ba);

Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1



### Uspostaviti sljedeću vertikalnu signalizaciju:

- U ulici Maršala Tita na raskrsnici sa ulicom Musala postaviti saobraćajne znakove: “radovi na putu” (I-25); “ograničenje brzine” (II-30), “zabrana zaustavljanja i parkiranja” (II-41), “prestrojavanje vozila” (III-91) – sa usmjeravanjem vozila u smjeru ulice Alipašina, ulice Kranjčevića i ulice Hamze Hume, “obilazak za određenu vrstu vozila” (III-114) – sa usmjeravanjem teretnih vozila i autobusa u smjeru ulice Kranjčevića i “pokretne signalne table” (VIII-19) - u skladu sa odobrenom izmjenom režima saobraćaja;
- U ulici Maršala Tita ispred mjesta izvođenja radova na zakonski propisanoj udaljenosti postaviti pokretnu rampu sa vidno istaknutim saobraćajnim znakovima “radovi na putu” (I-25), “dopušteno obilaženje” (II-63) i saobraćajnom opremom (prometni stožci-čunjevi) sa svjetlećim trepčućima za usmjeravanje saobraćaja u dozvoljene smjerove;
- U ulici Hamze Hume prije raskrsnice sa privremeno izgrađenom rampom za prelazak vozila preko tramvajske pruge u odobrenom smjeru kretanja vozila ulica Alipašina - ulica Hiseta postaviti saobraćajne znakove: “radova na putu” (I-25), „predznak za preusmjerenje saobraćaja sa odvojenim kolovozima (III-123) - u skladu sa odobrenom izmjenom režima saobraćaja i “obavezan smjer” (II-53).
- U ulici Hiseta 100 m ispred raskrsnice sa ulicom Hamze Hume postaviti saobraćajne znakove za označavanje radova na putu (I-25) i “ograničenje brzine” (II-30) i “dozvoljeni smjerovi” (II-58);
- U ulici Hiseta u lijevoj isključnoj saobraćajnoj traci postaviti saobraćajne znakove: “obavezan smjer” (II-52), ograničenje brzine (II-30), “zabrana skretanja ulijevo” (II-29) i lijevu isključnu saobraćajnu traku posebno označiti propisanom saobraćajnom opremom (prometni stožci-čunjevi), radi usmjeravanja saobraćaja u saobraćajne trake za odvijanje saobraćaja u predviđenim smjerovima.
- U ulici Hamze Hume na raskrsnici sa ulicom Hiseta smjer ulica Hiseta - ulica Alipašina postaviti pokretnu rampu sa vidno istaknutim saobraćajnim znakom za označavanje radova na putu (I-25);
- U ulici Alipašina 100m ispred raskrsnice sa ulicom Maršala Tita smjer ulica Ciglane – Skenderija postaviti saobraćajne znakove za označavanje radova na putu (I-25) i “ograničenje brzine” (II-30);
- U ulici Hamze Hume na raskrsnici sa ulicom Hiseta (most Skenderija) smjer Skenderija - ulica Hiseta postaviti saobraćajne znakove za označavanje radova na putu (I-25), uz krajnju lijevu saobraćajnu traku putokaz (III-112) “Ilidže” i “Obilazak” u smjeru ulice Valtera Perića i “obavezan smjer” (II-53) za preostale dvije saobraćajne trake;
- U ulici Valtera Perića na raskrsnici sa ulicom Vrazova postaviti saobraćajni znak “dozvoljeni smjerovi” (II-59);
- U ulici Zmaja od Bosne na raskrsnici sa “I” transverzalom postaviti saobraćajne znakove za označavanje radova na putu (I-25) i putokaz (III-112) “Vogošća”, “Ciglane” i “Obilazak”;
- U ulici Alipašina na raskrsnici sa ulicom Bolnička postaviti saobraćajni znak “obilazak za određenu vrstu vozila” (III-114) – sa usmjeravanjem teretnih vozila i autobusa u smjeru ulice Bolnička;
- radi bezbjednog odvijanja saobraćaja – mjesto na kojem se izvode radovi posebno označiti propisanom saobraćajnom opremom (prometni stožci-čunjevi). U noćnim satima postaviti svjetleću trepčuću signalizaciju;
- Na pomenutom lokalitetu, gdje je odobrena privremena izmjena režima saobraćaja, saobraćajnu signalizaciju koja je u suprotnosti sa privremenom izmjenom režima prekriti neprovidnom folijom.

### Alternativni pravci za vrijeme privremene izmjene režima saobraćaja

- Alternativni pravac: Alipašina - Bolnička – Patriotske lige – Halida Kajtaza;
- Alternativni pravac: Alipašina – Kranjčevićeva;



web: <http://ms.ks.gov.ba>

e-mail: [ms@ms.ks.gov.ba](mailto:ms@ms.ks.gov.ba);

Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1



- Alternativni pravac: Maršala Tita – Kranjčevićeva;
- Alternativni pravac: Maršala Tita - Hamze Hume - Valtera Perića;
- Alternativni pravac: Hiseta – Obala Kulina bana – Radićeva – Maršala Tita – Alipašina.

### **Izvođač radova, dužan je:**

- osigurati nesmetan prolaz pješaka i njihovu zaštitu;
- izmjenu režima saobraćaja provesti u saradnji sa nadležnim MUP-om Kantona Sarajevo;
- izvođač radova je dužan izvršiti dovođenje kolovoza (privremena saobraćajnica preko tramvajske pruge) u stanje koje omogućava bezbjedno odvijanje saobraćaja;
- putem sredstava javnog informisanja izvjestiti javnost o privremenoj izmjeni režima saobraćaja;
- znakovi se postavljaju na horizontalne branike koji moraju biti obojeni naizmjenično crvenom i bijelom bojom, snabdjeveni refleksnim staklima ili prevučeni reflektujućom folijom, a noću kao i danju u slučaju smanjene vidljivosti, na njima moraju biti postavljena i trepćuća svjetla narandžaste boje;
- iskopani materijal ne odlagati na kolovozu;
- istekom razloga za privremenu izmjenu režima saobraćaja, a najkasnije do navedenog roka, izvođač radova je dužan ukloniti saobraćajnu signalizaciju za uspostavu privremene izmjene režima saobraćaja te uspostaviti saobraćajnu signalizaciju koja je bila prije privremene izmjene režima saobraćaja, ukloniti višak materijala sa kolovoza, trotoara ili bankina te dovesti saobraćajnicu u prethodno stanje.
- U slučaju neispunjavanja uslova naloženih Rješenjem, isto je nevažeće.

## **O b r a z l o ž e n j e**

EURO-ASFALT d.o.o., podnio je zahtjev Ministarstvu saobraćaja, dana 17.04.2012. godine, za privremenu izmjenu režima saobraćaja ulici Maršala Tita (od raskrsnice sa ul. Alipašina do raskrsnice sa ulicom Vrazova), u periodu od 28.04. do 02.05.2012. godine u vremenu od 00,00 do 24,00 sati, a radi izvođenja radova na rekonstrukciji tramvajske pruge.

Razmatrajući predmetni zahtjev, te primjenjujući odredbe člana 77. Zakona o cestama F BiH ocijenjeno je da su ispunjeni uslovi za izdavanje traženog odobrenja, te je odlučeno kao u dispozitivu rješenja.

### **Pouka o pravnom lijeku:**

Protiv ovog rješenja može se izjaviti žalba Federalnom ministarstvu prometa i komunikacija u roku od 15 dana od dana prijema rješenja.

Žalba se predaje putem ovog ministarstva ili poštom, taksirana sa 6,00 KM takse, u skladu sa odredbama člana 19. tarifni broj 3 Zakona o administrativnim taksama ("Sl.novine Kantona Sarajevo", broj 30/01- Prečišćeni tekst).

### **DOSTAVITI:**

- EURO ASFALT d.o.o.  
Sarajevo, Rajlovac br. bb, Fax: 590-746
- MUP Kantona Sarajevo
- KJKP "GRAS"
- BIHAMK
- Press KS
- Autobuska stanica Sarajevo, Put života bb
- Kantonalna uprava za inspeksijske poslove - inspektor za ceste
- STEP
- Evidencija
- Arhiva

**MINISTAR**

mr. Haris Lulić



**web: <http://ms.ks.gov.ba>**

**e-mail: [ms@ms.ks.gov.ba](mailto:ms@ms.ks.gov.ba)**

Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1

